

II - ARABAKO LURRALDE HISTORIKOAREN TOKI ADMINISTRAZIOA

BARRUNDIAKO UDALA

Hiri hondakin solidoak biltzeagatiko tasaren Ordenantza fiskalaren aldaketari behin betiko onarpena ematea

Udal honek, 2019ko urriaren 10eko osoko bilkuran, Hiri hondakin solidoak biltzeagatiko tasaren ordenantza fiskalaren espedienteari hasierako onarpena eman zion. Espediente hori jendaurrean egon den bitartean erreklamaziorik aurkeztu ez denez gero, behin betiko onartzen da. Beraz, Toki ogasunak arautzen dituen 41/1989 Foru Arauak 16.4 artikuluan xedatutakoa betez, argitaratzen da indarrean sar dadin.

Hiri hondakin solidoak biltzeagatiko tasa arautzen duen Ordenantza Fiskala

I. Xedapen orokorrak

1. artikulua

Arabako Lurralde Historikoko toki ogasunak arautzen dituen foru arauan ezarritakoari jarraituz, hiri hondakin solidoak biltzeko zerbitzu publikoa emateagatik ordaindu beharreko tasa ezarri eta eskatuko du udalak, ordenantza honen arabera. Ezarri beharreko tarifak jasotzen dituen eranskina ere ordenantzaren zati da.

2. artikulua

Ordenantza udalerrri osoan ezarriko da.

II. Zerga gaia

3. artikulua

Tasaren zerga gaia zaborra eta hiri hondakin solidoak biltzeko zerbitzua ematea da. Zabor bilketa honako lekuetan egingo da: etxebizitzetan, ostatuetan eta jarduera industrialak, profesionalak, artistikoak, merkataritzakoak, artistikoak eta zerbitzuetakoak egiten diren lokaletan edo establezimenduetan.

Horretarako, etxeko zabortzat eta hiri hondakin solidotzat lokalen edo etxebizitzaren garbiketa arruntetik datozen detrituak edo elikagai hondarrak eta hondakinak joko dira, eta ez industrietako hondakinak, obra hondakinak, giza detrituak, material kutsatuak, korrosiboak, arriskutsuak edo haien bilketarako segurtasun, profilaxi edo higiearen aldetik neurri bereziak eskatzen dituzten guztiak.

III. Subjektu pasiboa

4. artikulua

1. Subjektu pasiboak dira Arabako Lurralde Historikoaren zergei buruzko foru arau orokorraren 35.3 artikulua aipatzen dituen pertsona fisiko zein juridikoak eta entitateak, baldin eta zerbitzua ematen den lekuetan, plazetan, kaleetan edo bide publikoetan dauden etxebizitzak eta lokalak okupatzen edo erabiltzen badituzte, direla horietako jabe, direla horietako maizter edo gozamedun, prekarioan izan ala ez.

2. Dena dela, zergadunaren ordezkotzat subjektu pasiboa izango da etxebizitza edo lokalaren jabea. Hala dagokionean, higiezin hauen jabeek etxebizitzak edo lokalak erabiltzen dituztenengan, hau da, zerbitzuaren onuradunengan jasanarazi ahal izango dituzte ordaindutako kuotak.

IV. Zerga oinarria

5. artikulua

Zerbitzua egiten duen unitate bakoitza izango da zerga oinarria, tarifetan ezarrita dagoen bezala.

V. Kuota

6. artikulua

Kuota zehazteko, aurreko artikuluan aipatutako oinarriari eranskinean jasotako tarifetatik dagokiona gehituko zaio.

VI. Sortzapena

7. artikulua

Zerbitzua eskaintzen den unetik bertatik sortzen da zorra eta, beraz, tasa ordaintzeko bete-beharra. Zerbitzua nahitaez eskaini behar denez gero, tasa ordaindu behar duten zergapekoek erabiltzen dituzten etxe eta lokalak dauden kale edo tokietan zaborra biltzeko udal zerbitzua ezarrita eta abian den unetik bertatik ordaindu beharko dute.

Urte bakoitzeko urtarrilaren lehenean sortzen da tasa.

VII. Aitorpena eta ordainketa

8. artikulua

1. Subjektu pasiboek hogeita hamar egun baliodun izango dituzte matrikula egiteko, tasa lehen aldiz kobratzen zaienetik aurrera. Horretarako alta aitorpena aurkeztuko du, baldin eta administrazioak berak ofizioz egiten ez badu.

2. Bai ofizioz, bai interesdunek jakinarazi dutelako, matrikula datuak aldatu direla jakiten bada, egin beharreko aldaketak egingo dira matrikula horretan. Aldaketa horiek jakinarazi eta kobratu beharreko hurrengo alditik aurrera izango dituzte ondorioak.

3. Kuotak urtean behin kobratuko dira, matrikula dela-eta bidalitako ordainagiri bidez.

VIII. Arau-haustea eta zehapenak

9. artikulua

Arabako zergei buruzko foru arau orokorrak 183. artikuluan eta hurrengoetan xedatutakoari jarraituko zaio zergei buruzko arau-hausteei dagokien guztian, bai eta arau-hauste bakoitzari dagokion zehapenen kasuan ere.

IX. Xedapen gehigarria

Arrazoi sistematikoak zirela medio indarrean dauden legeetatik nahiz horiek garatzen dituzten bestelako arauetatik ordenantza fiskal honetara aldatu diren aginduak besterik gabe joko dira aldatutzat edo ordeztutzat jatorrizko lege-arau eta araudi horiek aldatzen direlarik.

X. Azken xedapena

Ordenantza fiskal arautzaile hau 2020ko urtarrilaren 1ean indarrean sartuko da eta hala jarraituko du, harik eta aldatu edo indargabetu arte.

ERANSKINA

TARIFAK

1. epigrafea. Etxebizitzak eta antzekoak	63,60 €
2. epigrafea. Gizarte etxe publikoak	16,00 €
3. epigrafea. Tabernak	160,00 €
4. epigrafea. Jatetxeak	318,00 €
5. epigrafea. Apopilo etxeak, ostatuak, aterpeak eta landetxeak	239,00 €
6. epigrafea. Jaki dendak eta beste batzuk	160,00 €

Ozaetan, 2019ko abenduaren 3an

Alkatea

IGOR MEDINA ISASA